

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

GIZARTE POLITIKEN ETA OSASUN PUBLIKOAREN SAILA

2018an informazioa, sentsibilizazioa, prebentzioa eta gizarte sustapena, ekintza solidarioen sustapena eta boluntariora xede dituzten jardura eta ekintzetarako laguntzak emateko oinarri arautzaileak

2018ko apirilaren 6an egindako ohiko bilkuran onetsi zituen Tokiko Gobernu Batzarrak Gasteizen 2018an gizarte proiektuak finantzatzeko laguntza ekonomikoak emateko deialdia eta hura arautuko duten oinarriak.

Administrazio Prozedura Erkidearen urriaren 1eko 39/2015 Legearen 45.1. artikuluan xedatutakoaren ildotik, argitara ematen dira, denek izan dezaten horien berri.

Vitoria-Gasteizen, 2018ko apirilaren 6an

Administrazio Zerbitzuen burua
ROSANA URTARAN URTARAN

2017ko abenduaren 1ean onetsi zituen Tokiko Gobernu Batzarrak Gasteizko Udalaren diru-laguntzen deialdiak arautzen dituzten oinarri orokorrak. 2018ko urtarrilaren 26ko ALHAOn (9. zenbakia) argitaratu ziren oinarri orokor horiek, eta Udalaren webgunean kontsulta daitezke baita herritarrei laguntzeko bulegoetan ere. Berariazko deialdi honetara aurkeztu nahi duten pertsona eta entitateek oinarri orokor horietara jo beharko dute jakiteko eskabideak non eta nola aurkeztu, zein betebeharrak izango dituzten, diru-laguntzen publikitatea nola egin behar duten, diru-laguntzak nola justifikatu behar dituzten, zein formulario baliatu behar dituzten eta abar.

Diru-laguntzen ildoak

Gasteizko Udalak —Gizarte Politiken eta Osasun Publikoaren Saileko aurrekontuaren kontura— gizarte alorrean diharduten elkarte eta entitateei gizarte ekimenak sustatzeko ematen dizkien diru-laguntzak arautzeko oinarriak jasotzen dira araudi honetan.

Deialdiaren xedea

Gizarte Politiken eta Osasun Publikoaren Sailaren eskumenekoak izanik, informazioa, sentsibilizazioa, prebentzioa eta gizarte sustapena, ekintza solidarioen sustapena eta boluntariora xede duten eta 2018an Gasteizko herritarrei zuzentzen zaizkien jardura eta ekintzak.

Kontzeptua

Lau kontzeptutarako emango dira diru-laguntzak. Proiektu bakarra aurkeztu ahal izango dute entitateek, kontzeptu bakarrerako.

1. kontzeptua: udal gizarte zerbitzuen eskumen-esparruaren barruko prebentzio eta sustapen proiektuak: norberaren autonomiarekin, gizarte inklusioarekin eta gizarte larrialdi edo

babesgabetasun egoerekin zerikusia duten beharrei erantzutea, batez ere arrisku egoeren prebentzioari erreparatuta.

2. kontzeptua: gizarte edo gizarte eta osasunaren alorrean herritarrei, gizarte eragileei eta entitateei zuzenduriko informazio, prestakuntza eta sentsibilizazio proiektuak.

3. kontzeptua: adineko autonomoi, mendekotasun-arriskuan eta 1 graduko mendekotasun-egoeran daudenei; babesgabetasun arriskuan dauden haur eta nerabeei eta horien fami-
liei, eta gizartetik baztertuta geratzeko arriskua duten pertsonen zuzendutako gizarte arretarako proiektuak.

4. kontzeptua: hondamendien biktima izan diren haurrak hartzeko proiektuak.

Erakunde onuradunak

Estatutuetan berariaz gizarte prebentzio zein kudeaketara bideratutako ekintzak gauzatzeko xedea dutela adierazten duten elkarte, fundazio eta entitateek parte hartu ahal izango dute deialdian, edota elkartasunezko ekimen zuzenak eta zailtasun sozialeko egoeran dauden pertsonen laguntzeko xedea dutenak.

Orobat eskuratu ahal izango dute onuradun izaera pertsona fisiko edo juridikoen elkarte publiko edo pribatuak, ondasun komunitateak, edo beste edozelako ekonomi unitate edo ondare bereziki, nortasun juridiko propiorik izan gabe ere diru-laguntza ematea dakarten proiektu edo jarduerak burutzeko gai badira.

Diru-laguntza eskatzen duten pertsonen edo entitateen Gasteizko udalerrian izan behar dute helbidea, behar bezala justifikatutako kasuetan izan ezik. Horretaz gain, pertsona juridikoek Eusko Jaurlaritzaren Elkarrean Erregistro Nagusian —edo dena delako erregistro publikoan— izena emanda egon behar dute, eta datuak eguneratuta eduki.

Baliabide ekonomikoak

Deialdi honen ildotik ematen diren laguntzak Gizarte Politiken eta Osasun Publikoaren Sailaren 2018ko ekitaldiko aurrekontuetako 11.11.2301.480.45 partidan jasotako aurrekontu-kredituaren kontura joango dira; beraz, gehienez 250.000,00 euro baliatu ahal dira horretarako.

Aurkezteko epea

Eskabideak aurkezteko epea 20 egun naturalekoa izango da, oinarri hauei dagokien deialdiari buruzko laburpena ALHAOn argitaratzen den egunaren biharamunetik kontatzen hasita. Azken eguna larunbata edo jaieguna egokituz gero, hurrengo lehen egun baliadunera arte luzatuko da epea.

Balioespen-irizpideak

Proiektuaren bideragarritasun tekniko eta ekonomikoak, honakoei dagokienez: aurrekontua proiektuaren neurriari egokitzea, finantzaketaren definizioa eta banaketa, entitatea antolatze eta kudeatzeko modua, entitateak arlo horretan duen esperientzia eta ibilbidea. Gehienez ere 40 puntu.

Zerbitzu edo programaren onura sozio-sanitarioa, udalaren diru-laguntzen politika definitzen duten printzipioekin bat etorriz. Gehienez ere 40 puntu.

Gizarte Politiken eta Osasun Publikoaren Sailaren plangintza, xede eta helburuetara egokitzea. Gehienez ere 20 puntu.

Diru-laguntza jaso ahal izateko programa bakoitzak gutxienez lortu behar duen puntu-kopurua

Bideragarritasun tekniko eta ekonomikoaren irizpidean 20 puntu baino gutxiago lortzen duten proiektuak ez dira kontuan hartuko diru-laguntza emateko orduan.

Konkurrentzia-erregimena

Norgehiagoka.

Ez dira diruz lagunduko

Bazterketa dakarten edo zuzenbidearen kontrako diren gizarte proiektu edo programak.

Gizon eta Emakumeen berdintasunerako otsailaren 18ko 4/2005 Legea urratzen duten gizarte proiektu edo programak.

Udaleko beste sail baten edo lurralde historiko nahiz Euskal Autonomia Erkidegoko beste entitateen baten berariazko eskumenekoak diren jarduera edo ekintzek osatutako proiektuak. Horrekin lotuta, Gizarte Zerbitzuei buruzko abenduaren 5eko 12/2008 Legearen 27. artikuluan xedatutakoaren arabera, udalen gizarte zerbitzuei dagokie lehen mailako arretako gizarte zerbitzuen hornidura eta prestazioa bermatzeko eskumena —zeinek erabiltzaileei gizarte zerbitzuen sistema osora iristea ahalbidetuko baitie— eta, halaber norberaren autonomiarekin, gizarte inklusioarekin eta gizarte larrialdi edo babesgabetasun egoerekin zerikusia duten beharrei erantzungo die, batez ere arrisku egoeren prebentzioari erreparatuz.

2018an Gizarte Politiken eta Osasun Publikoaren Sailaren 17.000,00 eurotik gorako diru-laguntza izendunen onuradun diren entitateen proiektuak.

Udalaren sailtako beste diru-laguntza izendunen deialdietara aurkeztutako proiektu, jarduera edo ekintzekin alderik ez dutenak, nahiz eta diru-laguntzaren zenbatekoa 17.000,00 eurotik beherakoa izan.

Deialdiaren xedean sartzen ez diren proiektu, jarduera eta ekintzak.

Urte berean udaleko beste sail batzuen diru-laguntzen deialdira aurkeztu diren proiektuak.

Programa edo jarduera bakoitzari gehienez emango zaion diru-laguntza

Pertsona edo elkarte bakoitzak proiektu bakar baterako laguntza eskatu ahalko du, eta gehienez 15.000,00 eurokoa izango da. Guztira, gehienez 30.000,00 euroko aurrekontua izan ahalko dute aurkezten diren proiektuek. Proiektuak ezingo dira zatitu iraupen osoa baino laburragoak diren epeetan zenbateko horretara doitzeko. Bi zenbateko horietakoren bat gainditzen duten proiektuak deialditik kanpo geratuko dira.

Diruz lagundutako jarduerak azpikontratatzeari

Entitate onuradunak partzialki azpikontratatu ahalko du diruz lagundutako jarduera, Diru-laguntzei buruzko azaroaren 17ko 38/2003 Legearen 29. artikuluan eta hurrengoetan adierazitako terminoetan.

Orobat, aipatutako 29. artikulua 7. puntuan xedatutakoarekin ildotik, onuradunak berekin lotura duten pertsona edo entitateekin hitzartu ahalko du jarduera gauzatzeari, baldin eta organo emaileak aurretiaz baimena ematen bada (azpikontratatzeko baimena eskatzeko eredu baliatuz) eta kontratazioa merkatu-baldintzen arabera egiten bada.

Diru-laguntzei buruzko udal ordenantzaren 5.1 eta 16. artikuluetan xedatutakoaren ildotik, Gizarte Politiken eta Osasun Publikoaren Saileko zinegotzi ordezkariaren esku uzten da diruz lagundutako jarduerak azpikontratatzeko eta eskatzailearekin lotura duten pertsona edo entitateekin gauzatzeko baimena emateko eskumena.

Diru-laguntza justifikatzeko modua

Oinarri orokorretan ezarritakoaren arabera.

Zeharkako gastuak

Zeharkako kostuak edo gastu orokorrak onartuko dira, diru-laguntza gisa emandako zenbatekoaren ehuneko 6raino. Halakotzat joko dira diruz lagundutako jarduera zehatzari zuzenean

egoztekoak ez izan arren hura egiteko beharrezko direnak, esate baterako, entitatearen beraren mantentze-gastuak (argia, telefonoa, gasa, ura, alokairua, garbiketa eta aholkularitza).

Kostu horiek ez dira agiri bidez justifikatu beharko, baina sarrera eta gastuen eranskinean zehaztu beharko dira (III-J eranskina).

Proiektua lantzeko gidoia

Diru-laguntza jaso nahi duen proiektuak honako gidoi honi jarraitu beharko dio (30 orrialde gehienez):

Entitatearen jarduerak egindako bidea

Entitatearen ezaugarriak: kide eta boluntarioen kopurua; entitateak izan duen ibilbidearen laburpena: zenbat urte daramatzen lanean, egindako proiektu garrantzitsuak, zein entitatearekin lan egin duen, zein forotan parte hartu duen, entitatea antolatzeke eta kudeatzeko moduak (langileak, ekipamendua, zereginen banaketa).

Proiektua

Proiektuaren oinarriak

Helburuak

Garatu nahi diren jarduerak edo ekintzak, diru-laguntzaren bidez estali nahi direnak zehaztuta:

Jarduera bakoitzaren deskribapena

Kronologia, zehatz-mehatz

Aurreikusten den parte-hartzaileen kopurua

Giza baliabideak eta baliabide materialak, komunitarioak barne

Hartzaileak eta proiektuaren onuradun izan daitezkeen pertsonen kopurua

Proiektua gauzatzeko epea

Proiektuarekin lotutako pertsonala:

Ordainpeko pertsonala, boluntarioak eta/edo laguntzaileak

Programarekin lotutako boluntario kopurua

Boluntarioek ematen duten laguntza mota

Proiektuaren ebaluazioa

Erregistratuko diren adierazleak eta burutu nahi den lana balioesteko erabiliko diren irizpideak

Baliabide materialak eta giza baliabideak

Diruz lagundutako proiektuaren barruko jardueraren bat tasak ordaintzetik salbuetsita dauden espazio publikoetan egitekoak diren zehaztu. Proiektua garatzen ari delarik hasiera batean aurreikusita ez zegoen eta tasak ordaintzetik salbuetsita dagoen espazioren bat erabiltzeko beharra sortzen bada, diruz lagundutako proiektuaren jarraipena egiteaz arduratzen den teknikariari jakinarazi beharko dio entitateak, eta hark ohartaraziko du dagokion gizarte etxeko koordinatzailea.

Beste kolektibo batzuen inplikazioa

Ebaluazio-irizpideak

Jarduera ezagutarazteko baliabideak eta/edo sistema

Sarrereren eta gastuen aurrekontua

Diru-sarrereren zerrenda, barne hartuz: eskatutako, aurreikusitako nahiz jasotako bestelako diru-laguntza edo laguntza ekonomikoak, izen-ematearen bitartez jasoko direnak, eta abar.

Aurreikusitako gastuen banaketa, kontzeptuen arabera: pertsonala, materiala erostea, garrarioa, hornikuntzak, profesionalen zerbitzuak, inbertsioak eta beste.

Diru-laguntzaren xede den proiektuaren jarduera eta ekintza zehatzak.

Aurkeztu beharreko berariazko agiriak

Oinarri orokorrean adierazitako agiriez gain, lotura duten pertsona edo entitateei azpikontratatzeko baimenaren eskaera aurkeztu beharko da eskabidea aurkeztean (halakorik egin behar bada).



Ayuntamiento
de Vitoria-Gasteiz
Vitoria-Gasteizko
Udala

www.vitoria-gasteiz.org

ASUB_001

Azpiktratatze baimena eskatzea

Solicitud de autorización para subcontratación

Gizarte Politiken eta Osasun Publikoaren Saila
Departamento de Políticas Sociales y Salud Pública

Tfnua - Tf: 945 16 13 60
intervencion.social@vitoria-gasteiz.org

ELKARTE ESKATZAILEA – ENTIDAD SOLICITANTE

Elkartearen izena <i>Nombre o Razón Social</i>	NAN/AIZ/IFK <i>DNI/NIE/CIF</i>
---	-----------------------------------

ESKATZAILEAREN ORDEZKARIA – REPRESENTANTE DE LA ENTIDAD SOLICITANTE

1. abizena <i>Apellido 1</i>	2. abizena <i>Apellido 2</i>	NAN/AIZ/IFK <i>DNI/NIE/CIF</i>
Izena <i>Nombre</i>	Elkartean duen kargua <i>En calidad de</i>	

ESKATZEN DIO – SOLICITA

Gizarte Politiken eta Osasun Publikoaren Sailari, Diru-laguntzei buruzko azaroaren 17ko 38/2003 Lege Orokorraren, 29.7.d) artikuluan xedatutakoaren ildotik, baimena eman diezaiola ondoren adierazten diren hirugarrenekin edo berarekin lotura duten persona edo entitateekin azpiktratatze,

al Departamento de Políticas Sociales y de Salud Pública, en aplicación de lo dispuesto en el artículo 29.7 d) de la Ley 38/2003, de 17 de noviembre, General de Subvenciones, que autorice la subcontratación con terceros, o con personas o entidades vinculadas cuyos datos a continuación se relacionan,

ZEINEKIN AZPIKTRATATZEKO BAIMENA ESKATZEN DEN, PERTSONA EDO ENTITATE HORREN DATUAK DATOS DE LA/S ENTIDADES PARA LA/S QUE SE SOLICITA AUTORIZACIÓN DE SUBCONTRATACIÓN

IZENA EDO IZEN SOZIALA - NOMBRE O RAZÓN SOCIAL	CIF - IFK
LOTURA MOTA (uztailaren 21eko 887/2006 Errege Dekretuaren 68.2 artikulua) – TIPO DE VINCULACIÓN (art. 68.2 RD 887/2006, 21 de julio)	

AZPIKTRATATZEKO BAIMENA ESKATZEN DEN DIRU-KOPURUA IMPORTE PARA EL QUE SE SOLICITA AUTORIZACIÓN DE SUBCONTRATACIÓN

GUZTIRA, hitzartutako jardueraren zenbatekoa: <i>TOTAL, importe de la actividad concertada.</i>	€
Diruz lagundutako jardueraren zenbatekoaren gaineko EHUNEKOA: <i>PORCENTAJE que supone dicho importe respecto a la actividad subvencionada.</i>	%

AZPIKTRATATUTAKO DIREN JARDUERAK – ACTIVIDADES SUBCONTRATADAS

1	
2	
3	
4	

Era berean, kontratazioa ohiko merkatu-baldintzen arabera egiteko KONPROMISOA HARTZEN DU bere gain.

Asimismo SE COMPROMETE a que la contratación se realice de acuerdo con las condiciones normales del mercado.

DATA ETA SINADURA - FECHA Y FIRMA

Gasteizen, -(e)ko (a)ren (e)an Vitoria-Gasteiz, a de de

Izenpea eta elkarte eskatzailearen zigilua – Firma y sello de la entidad solicitante

Zure datuak udal kudeaketak dituen zereginak ahalbidetzen dituzten fitxategietan sartuko dira. 15/99 Lege Organikoak aitortzen dituen eskubidez baliatu nahi baduzu, jo ezazu Vitoria-Gasteiz Udaleko argibide bulegoetakoren batera.

Sus datos personales serán incluidos en ficheros cuya finalidad es la realización de tareas propias de la gestión municipal. Puede Ud. ejercer los derechos que reconoce la Ley Orgánica 15/99 dirigiéndose a las Oficinas de Información del Ayuntamiento de Vitoria-Gasteiz.